

應

州

續

志

下

卷九

藝文志

卷十

雜紀

後序



應州續志卷之九



應州知州南豐吳炳纂輯

藝文志

制勅  
詩餘

詳稟

文

詩

按唐宋元明諸史俱列藝文然祇存其名目以爲殫見  
沿聞之助若省郡州邑志乘則備載其文所有山川古  
蹟政事風俗既可藉文以傳其地亦可因地以存其人  
蓋所關綦重矣然牧令之德政碑文人之應酬體連章  
累牘臚列志中識者病焉茲惟取實有關係者錄之以  
資國史之採擇其他俱從簡汰後之讀是編者不必親  
歷風土亦可畧窺顛末矣乎次藝文

應州續志

卷九



勅

明

贈江西道監察御史王巍父母勅

勅曰爲人子者孰不欲顯揚其親故子之賢而能宣力效職者朝廷必推恩以報之所以遂其顯親之心而勸天下之爲孝者也爾江西道監察御史王巍故父壽善積於躬慶延於後致有令子效用於時推厥本原宜有褒顯今贈爾爲文林郎江西道監察御史靈其不昧尙克承之

應州續志

卷九

二

勅曰朕惟人子之才雖本於父而資於母德亦深矣故存有褒榮歿有追贈此國家之令典也爾楊氏乃江西道監察御史王巍之母夙有德善是生令子效用於時而祿養不逮揆其所自宜有顯褒茲特贈爲孺人靈其歆承永賁幽壤

封江西道監察御史王巍并妻郝氏勅

勅曰朝廷設監察御史欲其振紀綱而勵風俗以弼成國家之治非得剛方清直之士曷克以稱爾文林郎江西道監察御史王巍發身儒科典教外邑擢任風紀式



克慎勤是用錫之勅命以示褒榮夫官以察爲名以言爲職在明大體而畧細故扶植君子而抑小人其益端爾志堅爾守毋私於法毋撓於勢毋訐以爲直毋苛以爲能明以燭之公以行之懋脩不懈尙有顯秩以需爾成欽哉

勅曰朕惟人臣克效勞者雖本於父母蓋亦資伉儷內助之力也故推恩之典必及之爾江西道監察御史王巍妻郝氏克謹婦道以相其夫致能盡心於職茲特封爲孺人服此榮恩永光閨闈

應州續志

卷九

三

贈禮部尙書石瑁制

制曰禮部古宗伯之職掌天下禮儀祭祀宴享貢舉之政令其任爲至重矣國家稽古建官尤慎斯選必得直亮寅清之士方克稱焉爾故禮部尙書石瑁踐歷中外式著才猷遂遷佐於天官復進陞於宗伯清譽茂著朕用嘉之方期相禮之勤胡不享年之久茲聞哀訃良可悼傷特贈資善大夫禮部尙書誥命用昭寵恩靈爽如存尙其歆服欽哉

贈禮科給事中石瑁父母勅



勅曰國家推恩人臣而必及其親者所以重本而尊孝也是何閒於存沒哉禮科給事中石瑁之父普金慶鍾厥子而祿養不逮揆其所自宜有顯褒今特贈爲徵仕郎禮科給事中靈其不昧尙克承之

勅曰朕惟羣臣之才者固本於父亦必資母德焉存有褒榮歿有追贈此有國之通制也禮科給事中石瑁之母王氏有子能官而不逮養溯惟所自宜有褒榮茲特贈爲孺人尙克承之永賁幽壤

勅曰朕惟人之繼母寔配體於父而於子有教育之德焉故人臣之克勤於職者其繼母亦有褒榮之命禮科給事中石瑁之繼母曲氏有子效用歷年於今推厥慶源宜隆褒錫是用贈爾爲孺人靈其承之永賁泉壤

封禮科給事中石瑁并妻郭氏勅

勅曰國家設六科給事所以平奏術詳命令審覆是非駁正違失其責重且要矣匪得其人曷膺是選爾禮科給事中石瑁發身賢科給事延階歷年滋久克慎且勤是用進爾階徵仕郎錫之勅命以爲爾榮夫居近侍而以言爲職貴達大體而畧細故爾其益端乃心勵乃



行母徇母激懋於厥官尙有榮名需爾後效欽哉  
勅曰夫婦人之大倫故朝廷推恩羣臣命必及之禮科  
給事中石瑁之妻郭氏克相其夫茲特封爲孺人祇服  
榮恩永光閨闈

贈封中軍都督府經歷司都事石震父母勅

勅曰教子者必使勞於所事勸臣者必使顯其所生此  
固人之至情而亦國之良法爾石居敬乃南京中軍都  
督府經歷司都事震之父林泉晦跡書史傳家竟成教  
子之功宜示推恩之典茲特贈爾爲文林郎南京中軍  
都督府經歷司都事服此隆恩永光幽漠

應州續志

卷九

五

勅曰人臣有勞於國朝廷必寵其親所以體報德之心  
示勸功之典爾蘇氏乃南京中軍都督府經歷司都事  
石震之母相夫盡職教子成名揆厥慶源宜申恩典茲  
特封爲太孺人佩此榮光永綏色養

封中軍都督府經歷司都事石震并妻陳氏勅

勅曰國家分督府以領五軍雖專武秩置幕官以治庶  
務則用文資寓意實深任人宜慎爾南京中軍都督府  
經歷司都事石震發跡賢關佐官闈幕歷年漸久奉職



惟勤茲特進階文林郎錫之勅命夫官不計崇卑必求其稱事不論難易務底於成勉圖進脩以俟甄擢欽此勅曰夫婦之際風化所先君臣之閒恩禮攸在凡爲伉儷必與褒封南京中軍都督府經歷司都事石震妻陳氏早聞內則克相厥家夫既有官秩宜偕貴茲特封爲孺人榮命聿頒式光閨闈

贈封上林苑監左監丞田天澤父母勅

勅曰旌獎賢勞乃朝廷之著典顯揚親德亦人子之至情此倫理所當崇實風教所由繫肆推恩命奚問幽明應州續志

卷九

六

爾田盛乃上林苑監左監丞天澤之父存心篤厚待物寬平賢聲素著於鄉閭德惠每施於族黨顧遺經之訓素嚴乎義方致令子之才早登於鄉薦績書奏最名著銓曹禮典推恩光生泉壤褒寵有自昭示無窮茲特贈爲文林郎上林苑監左監丞尙期神爽之昭益迓寵靈之賁

勅曰母氏劬勞義實兼乎教育朝廷寵數禮特重於褒榮肆緣報本之情誕舉貤封之典亦惟有德始稱厥名爾陳氏乃上林苑監左監丞田天澤之母性本淳良行



惟勤儉相夫治內久著賢聲教子居官聿成嘉績康強無恙方膺祿養之榮光顯惟新宜示褒嘉之寵用彰慈範兼勵賢能茲特封爲太孺人諒天道之足徵庶家規之永賴

封上林苑左監丞田天澤并贈妻王氏勅

勅曰上林苑監典樹藝牧養之政所以省民財而供國用也必設正丞掌理其事匪得賢能之士曷克稱焉爾上林苑監左監丞田天澤早掇鄉科首司民社久殫勞勩遂擢今官興利除姦才實優於幹濟正身率屬心恆篤於操脩考最旣書寵褒宜示茲特進爾階文林郎錫之勅命於戲居官以盡職爲良已徵嘉績褒譽以永終爲善勿替初心尙有崇階以需來效欽哉

勅曰人臣有勞於國朝廷必寵其家肆惟伉儷之良均被褒封之命典章具在存歿攸同上林苑監左監丞田天澤妻王氏淑慎有常祇勤靡忒出自名族歸於儒門禮美相成方著宜家之美琴瑟中斷竟違偕老之心宜媿夫階以申卹命茲特贈爲孺人庶淑靈之有知服休光於無斃



封贈兵部職方司主事霍希夔父母勅

勅曰樹德砥行之士不自顯試而啓迪哲胤以光國家其貽穀亦勤矣卽以子之貴貴之詎非宜哉爾霍宗嶽乃兵部職方清吏司主事希夔之父勤儉持家朴茂成性善信素推於鄉族義方尤篤於家庭惟予望郎寔爾良嗣嘉其燕翼錫之寵章是用封爾爲承德郎兵部職方清吏司主事迺恩光之有赫綏壽祉以無疆

勅曰世常言慈母而易並稱嚴君貴其能訓也故劬勞之恩義方之訓均宜有隆報焉爾王氏乃兵部職方清

應州續志

卷九

八

吏司主事霍希夔之母食貧雅操引禮自持篤生賢嗣愛而能教祿養弗永淑問如存是用贈爾爲安人式表徽音永光幽宅

封兵部主事霍希夔并贈妻王氏封妻李氏勅

勅曰尚書郎高選也朕初嗣服咸有寵數以褒嘉之矧職方列屬夏官務劇而任重敘材程績褒賚奚可後哉爾兵部職方清吏司主事霍希夔蔚有士望發於制科以爾通達治才曉暢戎務掄之夏省俾業厥官而克殫忠勤數紆籌畫官評允暢惟朕爾嘉茲以覃恩特授爾



晉承德郎錫之勅命爾馳驅王事竟以隕軀朕篤不忘  
是有褒賚爾尚歆予之寵貺哉

勅自士有媿德之配而不與其其顯榮此人情所憫惻  
也朕有大慶以寵羣臣肆褒卹之典得並及焉爾兵部  
職方清吏司主事霍希夔妻王氏德秉靜嘉儀脩順正  
嬪於喆士佐內有聞爾夫登庸爾則永逝良可閔已  
是用贈爾爲安人沒也有知承此異渥

勅曰朕敷大慶於廷臣必推恩於厥配所以酬服采之  
績章敬助之賢也爾兵部職方清吏司主事霍希夔繼  
應州續志  
室李氏懋踐閨儀恪脩內政相爾夫子克勤其官茲渙  
國恩宜從夫爵是用封爾爲安人茂膺並命之榮式表  
相成之德

贈陝西西安府華州蒲城縣知縣田蕙父母勅

勅曰士有藏器而未試於時子有沾祿而弗逮其父  
於人情亦甚戚矣所以慰先志而展孝思者惟國典是  
賴也爾貢士田維魯乃陝西西安府華州蒲城縣知縣  
蕙之父飛英鬻序通籍南宮操履無虧義方有訓爾子  
元宗暢譽雅志可酬已是用贈爾爲文林郎陝西西安



府華州蒲城縣知縣綸綽有輝泉臺永賞

勅曰母氏劬勞幸哉有子而身不獲視其成食其報此人子所爲痛風木也不有榮恩何以慰之爾俞氏乃陝西西安府華州蒲城縣知縣田蕙之母允迺閨彝克脩孝德相夫訓子蔚有名稱祿食弗沾良可憫惻茲特贈爾爲孺人歆承明命永耀幽原

封陝西蒲城縣知縣田蕙并贈妻秦氏封妻陳氏  
勅

勅曰朕加意元元思登至理所賴承宣德意朝令夕達  
應州續志

卷九

十

者惟良邑宰耳厥有政績褒典庸可後哉爾陝西西安府華州蒲城縣知縣田蕙性質端方才猷敏練發身甲第試宰名封乃能廉慎自持慈祥敷政民懷訟理綽有令聲茲以考績授爾階文林郎錫之勅命夫程功晉秩國有彝章爾尙益殫初忱懋圖來效庶永終譽以光訓  
詞欽哉

勅曰士旣貴而篤念於始配爲其共處約也肆國家從爵之典必首及之爾陝西西安府華州蒲城縣知縣妻秦氏毓秀儒門子歸令族敬相夫子力學入官榮遇方



新嗟爾先逝是用贈爾爲孺人懿靈不爽顯命歆承  
勅曰朕觀風化始於閨門業官賴於內助則知伉儷之  
義無先後一也爾陝西西安府華州蒲城縣知縣田蕙  
繼室陳氏女誠夙嫻婦彝允迪前徽是紹以襄爾夫宰  
邑著聲資爾敬戒是用封爾爲孺人祇服褒綸益敦敬  
順

贈戶部四川司主事田蕙父母勅

勅曰朕惟樹穀者資其食樹德者享其報故士有積學  
龐德不顯其身者必濬發於厥嗣此天道也爾贈文林

應州續志

卷九

十一

郎陝西西安府華州蒲城縣知縣田維魯乃戶部四川  
清吏司主事蕙之父譽振校宮名升天府倅抱阻逢於  
當世遺經有託於後人能舉劇部之官滿爾嚴庭之訓  
茲加贈爾爲承德郎戶部四川清吏司主事祇歆游至  
之榮益篤方來之祐

勅曰子之於母生有陟屺之思歿有柩捲之感念至切  
也朝廷敷慶追崇雖亡必逮焉爾贈孺人俞氏乃戶部  
四川清吏司田蕙之母旣孝而慈終溫且惠相夫綴學  
綽著才名曷子服官弗躬祿養母儀雖邈令範攸存茲



加贈爾爲安人霞章之被維新風木之悲庶慰

封戶部主事田蕙并贈妻秦氏封妻陳氏勅

勅曰地官之屬分理天下征貢以經制國用登阜民財  
匪直掌度支會計已也任旣重煩必資詰彥爾戶部四  
川清吏司主事田蕙性資閎朗才譎敏明射策大廷分  
符鉅邑乃簡置計曹而能劑量有經出納惟允使公私  
兩利於國計深有裨焉茲以覃恩授爾階承德郎錫之  
勅命夫緩譏則病國急聚則病民爾旣導利以布上下  
矣尙殫心畢計以永終譽而樹來效欽哉

應州續志

卷九

三

勅曰賢婦克相其夫由學登仕乃中道仳離則人情有  
深隱矣介此鴻休豈靳追錫爾戶部四川清吏司主事  
田蕙妻秦氏望族含貞哲人作配方資敬助遽爾長捐  
宜錫新綸用旌舊勩茲加贈爾爲安人歆承赫奕之綸  
永表徽柔之德

勅曰士行之襄恆資女德故夫貴於朝則妻榮於室以  
明相敵之義嘉交儆之功也爾戶部四川清吏司主事  
田蕙繼室封孺人陳氏順正無違柔嘉維則克脩內政  
洛贊官常爾夫振譽郎曹允茲裨益茲加封爾爲安人



制曰國家褒寵臣工推恩及其祖考所以嘉繩武之賢彰駿源之慶也矧其人出爲名宦處爲鄉賢尤當亟揚者乎爾原任陝西耀州知州田天澤乃通政使司通政使蕙之祖父清廉雅有家風孤介殊無俗韻驅馳州縣夙多保障之功俎豆鄉閭尙作表儀之式澤延再世祚啟名卿念厥詒謀特茲申命是用贈爾爲通議大夫通政使司通政使誕錫明廷之貺丕昭奕世之光

制曰朕惟尊祖及妣人情所同而緣分異施品制有限自非階秩之隆未有微恩於大母者也爾王氏乃通政

使司通政使田蕙之祖母德全孝敬行備儉勤順正宜家克襄廉吏詒謀啓後爰得亢宗昌延再世之祖宜霽初階之命是用贈爾爲淑人歆承新渥永芘來昆

贈通政使司通政使田蕙父母制

制曰士有強學砥行抱義甚高乃經術不售於身而儒效竟徵於子觀所顯樹能忘式穀之自哉爾歲貢累贈奉政大夫田維魯乃通政使司通政使蕙之父學窮今古而孝友早聞名振膠庠而謙讓見譽雖里選之已及乃仕籍之未登爰啓嗣賢爲時名碩是用加贈爾爲通



議大夫通政使司通政使申錫絲綸之寵茂增堂構之光

制曰人臣念母氏之勞而不逮養位愈崇則其慕愈切匪藉國恩胡以慰其私而示勸哉爾累贈宜人俞氏乃通政使司通政使田蕙之母內範莊嚴闕德孝敬閨中勸學夙聞環珮之規膝下授經尚守機絲之教勗成令子洵陟高華睠惟慈訓之光宜晉褒綸之卹是用加贈爾爲淑人歆承國寵永作閨彞

封通政使司通政使田蕙并贈妻秦氏封妻陳氏

制

制曰朕惟國家大政必使上下流通然後無底滯壅蔽之患惟是出入王命宣下情而達上德則惟納言之臣是賴焉爾通政使司通政使田蕙才識通宏性資樸茂自掄制策屢著聲華邑宰宣猷雅多廉平之譽農曹司計夙弘綜理之能爰自郎闈晉叅喉舌更歷左右俾掌銀臺爾乃愈勵恭勤克慎出納凡百司之章牘辯覈必嚴與羣情之隱憂敷奏惟允勞望日積褒敘宜隆是用授爾階通議大夫錫之誥命夫人主周視廣覽所以爲



明也兼聽邇察所以爲聰也今四方利病或不以時聞  
民情或壅而不達豈朕所望於納言之意乎爾旣祇承  
厥敘尙愈加茂毖用贊朕明目達聰之治惟爾亦永有  
休問欽哉

制曰夫婦人倫之始禮稱從爵故或德茂相成而願違  
借老則朝廷錫命之典必均及焉爾通政使司通政使  
田蕙妻累贈宜人秦氏淑慎爲儀慈柔賦性含辛茹苦  
以佐朝夕之供織紉繰絲以贊燈窓之業雖嘗勵雞鳴  
之儆戒而未承翟茀之光華茲用加贈爾爲淑人異渥

應州續志

卷九

七

洊膺幽原永耀

制曰易稱中饋詩詠宜家言女德有裨於士行也國家  
疏榮錫命豈以先後閒哉爾通政使司通政使田蕙繼  
妻累封宜人陳氏夙嫻母訓克嗣前徽不忘荆布之風  
允踐蘋藻之職令儀旣備明綍宜申是用加封爾爲淑  
人祇承冠帔之華愈慎珩璜之度

封山東道監察御史陸厚父母勅

勅曰朕視羣臣之任職者必推恩於所生所以嘉勞而  
勸孝也山東道監察御史陸厚父賢克成其子效用於



朝茲特封爾爲文林郎山東道監察御史服此榮恩益懋祇慎

勅曰國家制推恩之典以寵任事之臣其能盡心於職務者則必榮及其親所以示嘉褒而勵忠孝也爾山東道監察御史陸厚之母熊氏有子致用歷年於今皆爾善德所致茲特封爲孺人服此隆恩尙懋敬之

封山東道監察御史陸厚并

贈妻王氏勅

勅曰朝廷設監察御史欲其振紀綱而勵風俗以弼成國家之治非得剛方清直之士曷克以稱爾文林郎山

應州續志

卷九

六

東道監察御史陸厚發身賢科擢司風紀詳慎勤敏用舉厥官是用錫之勅命以示褒榮夫官以察爲名以言爲職在明大體而畧細故扶植君子而抑小人其益端爾志堅爾守毋私於法毋撓於勢毋訐以爲直毋苛以爲能明以燭之公以行之懋脩不懈尙有顯秩以需爾效

勅曰朕於任職之臣旣推恩於其親而又榮及其配者所以明國典而厚人倫也爾山東道監察御史陸厚故妻王氏夙謹婦道用相其夫旣已早歿茲特贈爲孺人



此榮恩永光幽窆

勅曰朕惟人臣克效勞於國者雖本於父母蓋亦有伉儷內助之力也故推恩之典必及之爾山東道監察御史陸厚繼室李氏克謹婦道以相其夫致能盡心於所職茲特封爾為孺人服此榮恩永光閨闈欽哉

國朝

諭祭誥封夫人鮑敬母張氏勅  
康熙十九年

勅曰朝廷弘錫類之恩典均存歿臣子著靖其之節榮被親闈爾張氏乃山西大同總兵官鮑敬之母爾子歷任有年勤勞厥職克承家訓宜賁彝章諭祭特頒以光泉壤爾靈不昧其欽承之

應州續志

卷九

十九

諭祭鑾儀衛鑾儀使鮑敬勅  
康熙三十五年

勅口鞠躬盡瘁臣子之芳踪卹死報勤國家之盛典爾鮑敬性行純良才能稱職方冀遐齡忽聞長逝朕用悼焉特頒祭葬以慰幽魂嗚呼寵錫重墟庶沐匪窮之報名垂信史聿昭不朽之榮爾如有知尚克歆享

鮑贈屯留縣教諭馬克述父馬瓚并母

蘇氏訓

雍正十三年九月



制曰任事需才稱職志在官之美馳驅奏效報功膺錫  
類之仁爾邑庠廩生馬瓚乃山西潞安府屯留縣教諭  
馬克述之父詩書貽謀義方著範弓冶克勤於庭訓箕  
裘丕裕夫家聲茲以覃恩賜贈爾爲修職郎錫之勅命  
於戲肇顯揚之盛事國典非私酬燕翼之深情臣心彌  
勵

制曰奉職無愆懋著當官之績致身有自宜酬令母之  
恩爾山西潞安府屯留縣教諭馬克述之前母孫氏淑  
範載揚徽音克嗣溫恭著美於蚤歲慈惠貽休於後人

應州續志

卷九

三

茲以覃恩賜贈爲八品孺人於戲賁象服之端嚴誕膺  
鉅典錫龍章之渙汗永播德音

制曰佐庶司之經理爰獎通才勸百爾之孝思用彰慈  
教爾山西潞安府屯留縣教諭馬克述之前母賀氏德  
可型家恩能裕後慈範式昭於厥嗣榮光宜及於乃躬  
茲以覃恩賜贈爲八品孺人於戲師賢母之風勵茲清  
白沛熙朝之命垂此徽音

制曰羣工師濟旣懋績之克昭母氏劬勞渙明綸而宜  
逮爾山西潞安府屯留縣教諭馬克述之母郭氏婦德



克諳母儀丕著挽鹿嫺宜家之訓和熊預賓國之才茲以覃恩馳贈爾爲八品孺人於戲加閩內之殊榮用酬願復沐天家之曠典永賁幽潛

馳贈平遙縣訓導鄭宗姬父母劉氏制

雍正十三

年九月

制曰設官分職昭器使之無遺錫類施仁嘉蒙恩於伊始爾鄭鼎乃山西汾州府平遙縣訓導鄭宗姬之父秉心醇樸飭行端方教誨懷式穀之勤政事本貽謀之善茲以覃恩馳贈爾爲修職郎山西汾州府平遙縣訓導應州續志

卷九

三

錫之勅命於戲一命得以逮親遂膺曠典庶政期於稱職永荷榮光

制曰登皇路以馳驅忠原本孝入庭闈而侍奉嚴必兼慈爾山西汾州府平遙縣訓導鄭宗姬之母劉氏性本和柔飭衿鞶於閩內教惟勤慎紆章服於庭前茲以覃恩馳贈爾爲八品孺人於戲所親邀優渥之恩勉圖懋績有子効靖其之誼永表芳型

馳贈興縣教諭張鶴齡父張灝并贈母嚴氏封母

談氏制 乾隆十六年十一月



制曰任使需才稱職志在官之美馳驅奏効報功膺錫  
類之仁爾張灑乃山西太原府興縣教諭張鶴齡之父  
雅尚素風長迎善氣弓冶克勤於庭訓箕裘不裕夫家  
聲茲以覃恩馳贈爾爲修職郎錫之勅命於戲肇顯揚  
之盛事國典非私酬燕翼之深情臣心彌勵

制曰劬勤奏績膺寵命於朝廷渙汗敷恩闡幽光於母  
氏爾山西太原府興縣教諭張鶴齡之母嚴氏懿儀不  
忒慈範彌昭諧早歲之倡隨啓後人之昌大茲以覃恩  
馳贈爾爲八品孺人於戲播芳型於彤管有命自天賁

應州續志

卷九

三

嘉寵於黃壚永綏厥祚

制曰奉職無愆懋著勤勞之績致身有自宜酌鞠育之  
恩爾山西太原府興縣教諭張鶴齡之母談氏淑範宜  
家令儀昌後早相夫而教子俾移孝以作忠茲以覃恩  
馳封爾爲八品孺人於戲賁象服之端嚴誕膺鉅典錫  
龍章之渙汗用表榮施

馳贈山東臨淄縣知縣張鶴齡祖父張鈇鏐并祖

母王氏制 乾隆二十六年十一月

制曰考績報循良之最用獎臣勞推恩溯積累之遺載



揚祖澤爾張缺錄乃山東青州府臨淄縣知縣張鶴齡之祖父錫光有慶樹德務滋嗣清白之芳聲澤流再世行弓裘之令緒祐篤一堂茲以覃恩馳贈爾爲文林郎錫之勅命於戲聿修念祖膺茂典而益勵新猷有穀貽謀發幽光而不彰潛德

制曰册府酬庸聿著人臣懋績德門輯慶式昭大母芳徽爾王氏乃山東青州府臨淄縣知縣張鶴齡之祖母箴誠揚芬珩璜表德職勤內助宜家久著其賢聲澤裕後昆錫類式承平嘉命茲以覃恩馳贈爾爲孺人於戲

應州續志

卷九

三

播徽音於彤管壺範彌光膺異數於紫泥天府永邵制曰嘉績聿隆於報最奕世蒙庥慈徽載著於馳封重闡集慶爾韓氏乃山東青州府臨淄縣知縣張鶴齡之繼祖母珩璜傳芳蘋蘩濟美溯貽謀於閭則繼美益彰弘錫類於朝章推恩並厚茲以覃恩馳贈爾爲孺人於戲鸞書賁彩普昭一體之榮施馬鬣揚休永表重泉之遺澤

贈山東臨淄縣知縣張鶴齡父張灝并母

嚴氏制

乾隆二十六

年十一月



制曰求治在親民之吏端重循良教忠勵資敬之忱聿  
隆褒獎爾張灝乃山東青州府臨淄縣知縣張鶴齡之  
父禔躬淳厚垂訓端嚴業可開先式穀乃宣猷之本澤  
堪啓後貽謀裕作牧之方茲以覃恩贈爾爲文林郎錫  
之勅命於戲克承清白之風嘉茲報政用慰顯揚之志  
昭乃遺模

制曰錫類揚休恩不殊於中外循陔追慕情無閒於後  
先爾嚴氏乃山東青州府臨淄縣知縣張鶴齡之前母  
家風肅穆內則嫺明瑀珮猶存睠芳型之未遠栝椽如  
應州續志

卷九

畜

故欣鉅典之方膺茲以覃恩贈爾爲孺人於戲圖史有  
聞欲報寸心於宿草彝章不煥用弘厚澤於新綸  
制曰朝廷重民社之司功推循吏臣子凜冰淵之操教  
本慈幃爾談氏乃山東青州府臨淄縣知縣張鶴齡之  
母淑慎其儀柔嘉維則宣訓詞於朝夕不忘育子之勤  
集慶澤於門閭式被自天之寵茲以覃恩贈爾爲孺人  
於戲仰酬顧復之恩勉思撫字載煥絲綸之色永賁幽

潛

贈太原縣教諭王爾遠父并母霍氏制



乾隆二十六年十一月

制曰任使需才稱職志在官

馳驅奏效報功膺錫

類之仁爾生員王知乃山西太原府太原縣教諭王爾  
遂之父雅尚素風長迎善氣弓冶克勤於庭訓箕裘不  
裕夫家聲茲以覃恩馳贈爾為修職郎山西太原府太  
原縣教諭錫之勅命於戲肇顯揚之盛事國典非私酬  
燕翼之深情臣心彌勵

制曰奉職無愆懋著勤勞之績致身有自宜酬鞠育之  
恩爾霍氏乃山西太原府太原縣教諭王爾遂之母淑

應州續志

卷九

五

範宜家令儀昌後早相夫而教子俾移孝以作忠茲以  
覃恩馳贈爾為八品孺人於戲賁象服之端嚴誕膺鉅  
典錫龍章之渙汗永播徽音

馳贈孝義縣訓導王製父王永泰并母席氏制

乾隆二十六年十一月

年十一月

制曰任使需才稱職志在官之美馳驅奏效報功膺錫  
類之仁爾王永泰乃山西汾州府孝義縣訓導王製之  
父雅尚素風長迎善氣弓冶克勤於庭訓箕裘不裕夫  
家聲茲以覃恩馳贈爾為修職佐郎山西汾州府孝義



縣訓導錫之勅命於戲肇顯揚之盛事國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾席氏乃山西汾州府孝義縣訓導王製之母淑範宜家令儀昌後早相夫而教子俾移孝以作忠茲以覃恩馳贈爾爲八品孺人於戲賁象服之端嚴誕膺鉅典錫龍章之渙汗永播徽音



詳文

請西山添設巡檢詳文

國朝署  
知州 雷 暢 井 研

爲請設巡檢以靖地方以清 國課事竊惟卑州地處  
關外界連本府之大同懷仁渾源山陰并代州之繁峙  
寧武府之寧武及朔平府之朔州平魯左雲右玉等州  
縣接壤交錯最易藏奸而去州窻遠逼近口外最難稽  
查者尤莫如安東一衛衛中又有西山一帶二十二村  
隔越高山大河離朔州平魯左雲右玉山陰等州縣近  
自五六十里遠至八九十里不等而離卑州近自一百

應州續志

卷九

七

二十里遠至一百八九十里不等且深山邃谷羊腸鳥  
道土著稀少流寓不常地多逃絕糧多逋欠由來已久  
非一日矣職查向來設有衛官專司稽查尙難保無奸  
匪之潛藏與錢糧之逋欠繼後歸併入州印官有刑名  
錢穀之事勢難時時親歷捕官有巡緝之責不能久羈  
深山弭盜止憑保甲催糧惟藉里差實因鞭長莫及遂  
至凋敝日深且查閱舊糧州額之民欠十分之三衛額  
之民欠十分之七糧少而欠多日積而月甚職催科乏  
術已於飭行查議積欠等事詳請轉詳在案再四思維



莫若懇請添設巡檢壹員駐劄衛地附近西山等村適中之地爺司巡緝兼清地土以資彈壓令其就近稽查保甲丈勘逃地着落承糧申詳卑州註冊以憑不時親查併請給以銀柜印串封條就近徵收折色申詳卑州轉請拆解其本色米豆草束俱令催督赴州交納至於刑名等事槩不准理庶匪類不致潛藏課賦易於催辦下吏得藉臂指之力而小民兼省跋涉之苦其於國計生民均有裨益職身任地方已經一載籌畫利弊莫此爲最是以不揣冒昧謬陳一得懇乞憲臺鴻裁酌核

題達則感沐高深直與河嶽同其流峙矣



謨其大要不外與水利除水害二策興水利者先期濬蓄遇旱澆灌恆賜不致成災除水害者開濬水槽預備宜洩霖霖不虞漲溢二者似屬分途而其實水槽深通潦可免浸漫者早卽可免焦枯是除害卽所以興利二者殊途而同歸也應州東西北三面地俱平坦惟南面層巒疊嶂地勢更高東有渾河發源渾源州之神頭村由州屬寺家莊入境經安樂營過南柳會等村計行州境六十二里至大同縣之小長城出境西有桑乾河發源馬邑縣之洪濤山過山陰地方由州屬梁亭村入境

經北賈寨過屯兒莊等村計行州境四十七里至大同縣之小村兒出境職親加跣渾河兩岸田地俱較河身高三四五六尺不等桑乾河兩岸田地俱較河身高四五尺至八九尺不等此二河者雨缺則細流如帶不能上引入地連雨則驚濤急漲閒或漫溢兩岸或倒灌小溪然亦隨漲隨落不崇朝而歸槽安貼伏讀鈞諭有云地高不可爲渠鮮有收河之利者正此類也南路靠山一帶山脚下胡峪馬蘭峙峪大山門小山門茹越小石大石北婁等口俱有泉水流出時當無雨不甚旺近



山村莊各築壩阻水澆田離口稍遠者槩不得霑其利一遇大雨時行地嫌水多卽拆壩放水以鄰爲壑下游咸受其害水少則爭之不來水溢則推之不去總由向來未開官渠聽民各自逐段踞佔以致渠不貫通水無歸宿水縮之時尙有近山數村得專壩水之利而北而村莊少雨則受旱乾之害連雨則受淹浸之害及今不治年復一年不止爲患田廬勢必致商旅阻滯驛遞稽延誠不可不亟爲籌算也職遍歷諸口逐細跟查詢問紳士耆民有舊渠湮沒者如大石口一水經過張家寨

城下莊等村向有舊渠今復佔種禾稼阻塞水道應循照故址開挖深通也有舊渠短窄者如胡峪口一水除下疇望岩二村有渠外下流大西頭以北卽散漫無歸常虞漲溢今應接連挑濬也有應徑入桑渾二大河者如北婁大石之可以直趨渾河茹越小石胡峪之可以直趨桑乾是也有應由小溪折入大河者如峙峪山門馬蘭等水俱可由鹽河入桑乾是也各水情形不一均宜官爲經理再搜查歷年分水塵案有一日中按時分灌點香爲度如北婁等村之分用北婁口水是也有一



月中按日四六分灌周而復始如南曹山上乾港之分用茹越口水是也有數年中按年分灌周而復始如南曹山上下乾港之分別二年三年輪用峙峪口小山門等水是也蓋由山口水泉微細村落繁多勢難遍溉向只近口數村自立渠壩專利已久均有歷任府州斷案存據此時官爲接連開渠引入大河將來卽遇連雨漲發各自安流不致溢出爲害並請飭近渠村莊除前經官斷原有舊壩外其餘只許自開支渠引灌不許水少則築壩阻攔水多又拆壩決放貽禍鄰村其渠道所佔

地畝或於合村公地內撥補或遵照奉頒條款勸令得資灌溉之各地主派量畝分照所毀數目補償如肯情愿捐輸依例申請旌獎所需人工飯食酌擬勸諭田主派費佃戶幫工但目下收穫事忙未暇集議請俟九月農隙後職單騎減從親詣渠道經行處所相度地勢面同紳衿父老從長商妥辦理仍俟事竣後造冊申報各衙門備案每年於四月農隙時挑濬一次定爲善後章程永遠遵行至開井泉挖塘浦等事皆所以備旱潦詢問上著居民雖據僉稱州境南路地高掘三四丈至八



九丈不等方可及泉底土虛鬆必須磚砌每井一圓須  
工本錢約十千上下只可灌地五六畝費多利微北路  
地勢畧低見泉稍易又因地多鹽鹼水味苦鹹澆地反  
損田苗是以開井甚少塘浦須結實地土方可瀦水應  
州沙地十之七八泥土俗稱膠地不過十之二三膠地  
價貴留種田禾不肯創挖塘浦沙地脈疎滲漏水難停  
蓄所以向未開塘等情職跡看水渠之便隨復測量井  
水南路近城村莊亦有開二三丈卽見泉者北路不近  
河村莊亦儘有水不苦鹹者總之愚民因循怠惰難與

更新現辦開渠工程容俟開畢後勸諭確驗井眼淺深  
核算本利多寡再行次第興舉境內渾河所過路徑僻  
左未設橋梁桑乾河係通山陰懷仁大同等處大道公  
文行旅絡繹不絕舊有白堂子木橋一座冬春水落搭  
蓋夏秋水漲拆撤職常於拆橋後或委吏目或遣親信  
家丁赴白堂馬頭密查遇有水夫刁難勒索等弊卽嚴  
拿枷號示懲惟查河路修長只白堂橋一座未免民仍  
病涉復於上年春閒勸諭白堂子西二十里之曹娘子  
等村居民添建木橋一座以便往來卑州北至懷仁縣



交界舊站舖三十五里西北至懷仁交界清水河四十里西至山陰縣交界李莊三十五里東至渾源州交界羅家莊四十里南至繁峙縣交界茹越堡四十里道路俱屬寬平並無坡坂惟兩旁有尚未開溝之處亦請俟渠工辦畢於明歲開凍時跣看墊修再通衢種樹枝葉垂蔭行人根芟藉固地脈誠爲有益卑州東西南北五處大路通計有舊存老樹八十五株職到任後於上年會種一千株本年續種三百五十株現共成活二百零一株統俟明歲清明前再行補種造報緣蒙諄諭謹先

查明境內河道情形相度水渠地勢繪圖貼說縷細稟聞恭請訓示統祈崇鑒



請委員暫署吏目事務并報明續開渾河渠道通

稟

知州吳炳

前蒙飭發興修農田水利經理橋道樹株事宜十二條業經職逐細查明繪圖貼說稟覆並請俟九月農隙後舉行在案茲屆碾場事畢之候據渠道經行村莊各報動工日期均於九月初九十一十八等日撥夫開濬此時天氣融和約至十月下旬可以陸續告竣伏查卑州大渠支渠統計近二十條從水口歸入大河自二三十里至五六十里不等各村莊人心不一情偽多端有寔

應州續志

卷九

美

心感頌憲恩踴躍辦理者亦有不圖永遠利益只各目下小費觀望支延者有因佔損糧地或兌換有虧或酬價未足藉詞阻撓者有慮日後淹漫或稱逼近堡牆或稱緊靠墳廬出頭控理者職恐因此耽擱以致地凍難開遇有此等爭訟立刻馳詣該處相度地形委曲開導懲勸兼施務令衆情平服不致停工惟是渠多路遠頭緒叢雜職一人難以分身兼顧竊計事有曲直必須印官剖斷者未敢違例濫委其推諉延捱等類似不妨分遣佐雜查催趕辦但卑州只佐襍二員吏目李珍煦已



於七月內丁憂奉委職兼攝捕務安東司巡檢許憲駐  
扎水泉村離州城一百四十里亦各有催征職掌難資  
臂指之助查本年七月分選單卑州吏目雖已銓補有  
人到任尙遙無期可否仰懇鴻慈就分發試用佐雜內  
邊員暫署卑州吏目事務倘此缺已經大人咨補有人  
或飭卽日赴任令得協同料理尤易觀成統聽憲裁再  
稟者卑州桑渾二河兩岸地高水低難以引灌地畝亦  
經職跡勘稟明繼復念孟子論水有云激而行之可使  
在山大人憲檄亦有急則激取等諭意河岸自四五尺

以上自難資灌漑之利其二三尺上下者若乘奔流湍  
急之勢砌堰激行似亦可土流入地因出示招募熟識  
水性素慣開渠打坦之人茲有榆次縣民李芝紹等應  
募來州稟請試驗職勸諭渾河東岸之北馬莊民趙官  
等擇河勢轉灣流急處試挑一渠已於八月底引水到  
地鄉民聚觀漸知激水之法現復有渾河西岸之柴家  
莊客民宇開翰等相繼照辦亦經開就一渠惟緣秋深  
水落坦力緩弱勢難上送須俟明年春夏漲發坦水洶  
湧方可上灌獲利職看此情形大約桑渾二河可以開



渠處尚多百姓亦輾轉傳佈爭相習學應州地土瘠薄  
荒蕪滿目總視此一渠明年得有成效則沿河各村羣  
起辦渠不待地方官教督自莫不鼓舞爭先行見曠土  
悉成膏壤享水田之樂利者將頂感於弗諼矣



文

應州重修學記

金翰林 李仲畧 高年  
修撰 人

卽學爲廟以事夫子其來尚矣漢唐而下自京師達於州縣其所以崇奉之道愈久而愈嚴故像宇制度奠祠規式雖互百世而不易者也應之爲州雖號居山開然爲北道望郡且距都畿不遠非若蜀郡之陋僻其文明之教不接於京師者宜其校舍之宏麗廟貌之嚴飾有加而無替也學之興始於後唐自遼之清寧迄於天慶雖僅加營繕狹隘庳陋殊不稱所以奉事先聖先師之

應州續志

卷九

三九

意然有廟而無學且與古戾國朝奄有區夏垂八十年干戈藏於府庫庠序布於寰海彝倫攸敘文教燭興大定乙巳閒同知張侯下車未幾慨然始有修葺之意乃揆日量地庀工度材與其傾圮易其朽腐益大而新之且又創爲師生之位祭養之具垣墉之樸斲之工甫就緒而侯引年去位其旣茨丹雘猶未暇也若有侯焉耳明天子嗣位詔天下學校增弟子員置儒林官月課歲考勵勤懲惰作養士類仍命守臣以文致身者提舉學事節度王公以年高德邵由北京通守來領髦節奠謁



之始裴徊瞻顧思有以成張侯之志於是布恩澤宣教  
條理寬信善別弊抉蠹末期月而政平遂日至學舍訓  
誘諸生導其未至且語其所以修飾之故一皆不及於  
民捐廩入以備工役解左駢以運餽甃夙宵一心暑雨  
不懈心計口授各有程式至於藻井板幕綵繪一新增  
城累甃平直如削兩廡從祀邊豆簠簋按之禮圖靡不  
完潔東廊之南別構大堂以時講肄下至庖湍莫不有  
所皆前此未有也又總費幾七十萬噫道之興廢繫乎  
世事之顯晦存乎人惟張侯克育其始惟王公克成厥

終殆有數焉友人孟德潤昆弟同年高巖夫皆應之間  
人也具道其故且命志其事若夫經畫之始已具待制  
敬甫之記茲不繁敘嘗聞云學者學聖人之道者也豈  
徒誦說其文而已哉先王之時射鄉食饗養老賓賢以  
至獻囚獻馘無不出於學者嗚呼去古遠矣先王之道  
所以得傳於後世者惟學存焉曩時垣宇蕪廢鞠爲芻  
牧使承學者無所庇而爲之師帥者又且恬不爲怪或  
齷齪細謹或耽樂宴遊至於公署頽毀而畧不加葺尙  
奚及於學校哉今而後將見郡之俊秀鼓篋而入者



弦夕誦嘯躋聖真明先王之道其緒餘土苴猶能優取  
科第以備朝廷百執事之選如剖荆璞而得玉入滄溟  
而求珠隨取隨獲而無匱者皆自二侯始故喜而爲之  
書



應州儒學科貢題名記

明知 薛敬之 渭南人

僕膺命守應之明年以學頹而復之適畿南霍君真以訓導署學事撮其學之人才與我皇明有天下來科自王禮等貢自張道等品題其名欲勒於石以爲學之士勸亦以勵將來而風百世下使之聞之知所感發興起以繩百世之上之人之材表郡土之風俗見山川之秀麗盛舉也率弟子員來請記僕本終南人誤蒙甄拔守茲土聳霍之請事雖微有俾教方時雖近有關世紀義不容辭乃爲言以記之曰名者天地閒之燬器造物者

應州續志

卷九

聖

深忌之得之者必神有以會山嶽氣有以合貞元材質之良德性之醇不則僕不知其所以然以是孔子有沒世不稱名之疾孟子發五百年名世之譽由是論之名其善之謂歟名不由科無以見閎博碩大之才不由貢無以見鄭重老成之意楊龜山謂科目未必得人豪傑之士由此而進使百世之下入斯學讀斯石某名而爲卿相其輔毗天子爲何如某名而爲藩臬某名而爲牧伯其承流宣化爲何如某也廉某也忠某也惠某也貪某也酷某也罷必各有所藻鑑其高下差等豈能逃乎



人之耳目哉然名非獨名也蓋可欽可慕可怒可外者  
係之矣若斯霍之舉豈小補云乎哉特揭諸石以詔方  
來後凡有名者彷彿諸前題

應州續志

卷九



粵惟吾應碩輔鉅卿今昔輝映國家建學儲士卓有成  
效往昔守應諸君歷皆海內名雋靡不知崇先師惠後  
學爲急務故凡毀廡堂舍傾則起之敝則新之亦庶幾  
哉美矣惟學宮外址僻在城隅蕩然一曠區任牧汲者  
往來踐踏規度似少尊嚴觀瞻未雅邇來甲第雖稱不  
乏視昔若弗逮焉論者多委咎於茲萬歷庚辰冬薊門  
陳君胤來守是郡首卽議修時誦於力而有待壬午秋  
督學徐公慨禮射廢而士無全才爰命有司置射圃倣

應州續志

卷九

四

古建序習射之規陳君遂祇承其意而推廣之立一圃  
於堂東之隙題其亭曰觀德建兩坊於黌門之側標其  
宮曰大成宮以外繪壁以相映設垣以相環而又濬平  
池廣乎植依稀乎杏壇鳶魚之景趣宮以內悉舉而飭  
之森然煥然復加厥昔吁都哉聖道千載一新之盛也  
庠博士高公彥臣李公充道僉謀勒石以紀厥績旣而  
高公以遷官去張公進中繼徵余爲紀余曰諸君子知  
多陳君之績矣抑知所以成其績者乎蓋修學有司事  
也修己士人事也士知修己始於有司修學之心爲無



負如之何而可以言修己哉其必見坊則曰入室者學之宿也可徒外望己乎過圃則曰正己者學之的也可徒揖讓己乎對壁垣則曰屏翰者學之用也可徒面牆己乎臨所濬而思以浴吾德覩所植而思以樹吾德入門而覲殿廡思與聖賢爲徒升堂而聯師儒思以德業相砥礪允若茲則修己之道矣他日出而爲朝廷用也大之廟堂以康四海次之藩臬以綏一方小之而澤乎一郡一邑巍巍勲業比隆前哲悉於陳君之修學啓之厥績不益偉且烈哉不然是修也徒侈一時之觀望焉

爾負陳君之盛舉多士有餘媿矣余僭立言固將紀陳君之績垂諸有永敢因以明體適用之學爲吾應士望是爲記



應州新修鐘樓記

明山西 王 參政 韓 盛 人

應州之域左襟太行右帶桑乾堯典曰朔方禹貢曰冀州今雲中之勝地省內之名郡也軍民參伍邊疆咫尺非素有才名者可勝其任耶吾關中薛君敬之顯思以貢士來知郡事歷三載餘每斲菜自如戴星不倦吾至其地矣吾見其政矣及別河梁之後則遣芹泮弟子員劉汝楫合澄輩以書謁曰州自國初以來無鐘鳴晨夕者寄西佛宮寺久之以故器擲諸隙地敬之慮上下無警以小鐘易之考鑄記肇自大金明昌二年治斤重數

應州續志

卷九

巽

千宜懸之佳處乃伐木搏埴剏樓治東過街三十步有奇週圍十丈高六十尺正當城之中巍乎煥乎爲州之望先是少叅徐公適按冀北寓是郡數月播民和而咸勸之鳩工於成化丙午落成於戊申之秋處置自公民不告勞願徵文以紀其事予惟致治莫先於正時正時莫要於鳴鐘蓋鐘以正時時以作事事不以時民罔知敘顯思之舉闕典觀視之美云乎哉方其日之未出時向晨矣雞乃鳴矣則擊鐘以警之而趨其事及其日之既入時向夕矣犬乃吠矣則擊鐘以省之而息其體凡



今誦其言而味其意非直爲觀美也以其有裨於世也  
以其有益於民也矧吾應恆嶽峙壁桑乾漾潮龍首岐  
嶷於東北鴈門巖峩於西南平川廣野在昔漢唐號稱  
用武之地向來浩隔未靖屢爲民患誠宜早有所備以  
防其未然者惟茲廟宇之增敵臺之築則神有所倚以  
爲安城有所恃以爲威民有所賴以爲固矣是以年歲  
獲豐登之慶而民皆安堵無虞揆厥所由僉曰諸公營  
工之力也諸公不有而歸之都憲都憲曰不然而歸之  
神明至於神不可得而知也傳曰明有禮樂幽有鬼神

天道人心同條共貫也審矣明則有人而謂幽不有賴  
於神之妙運叅贊者是誣也此則修斯廟之意也是爲  
記



應州題名碑記

明山東副使李翰臣大同人

夫古者建官司職官必有廡題名必有記所以甄別淑慝激揚先後非虛設也應州爲古代朔雲應關外數州之地附郡雲中接壤沙碛邇來戶口漸以繁行政務殷劇往歲陝右徽州郭君分符來主是州今四載矣州事大治遠近俱稱賢守上下胥說神人以和四境寂然烽烟久息蓋自渭南薛州牧以來文章政事僅兩見也一日以書請余謂應自州治以來題名缺記敢請大筆以紀歲月余惟古人有事必書如燕然碑勒鴈塔名題皆

應州續志

卷九

五

所以紀一時之盛爲百世偉觀矧一州百凡民物關係題名豈可無記耶書曰建官惟賢又曰官不備惟其人應州自國初以來爲牧者若干人始於陳君迄於郭君歲月有久暫政事有臧否宦况旣殊顯蹟頓異存於甲開鄉評之口輿情允協後之人必將有指議而稱道之者余於此復何贅哉公命爲記不敢辭謹述其大畧如左



重修關帝廟碑記

國朝左光圖 州人

余嘗遊洛中有關帝塚居洛水之南祠宇巍峩壁垣高廣不勝仰止欽崇之意乃漢唐迄今之故址也凡海內之祠宇不知其幾千區卽廟貌之嚴百倍於此非若塚之爲棲靈地也雖然帝以漢室之良英靈萬禩慧眼普照乎寰區神馭日周於九域寧擇地而降臨哉凡以人心一念尊親神卽昭格焉耳放郡乘應城之內外建祠有三而南門甕城內其一區也想改城後實始基之厥後重修者不知其凡幾猶及見明之萬歷州尊徐公恢

應州續志

卷九

至

大之高其殿廡大其門坊建樂樓於南棲行宮於北旣云盛矣亦有年矣終是坐向殊方威靈不肅兼之日往月來塵侵漫漶凡簷楹甃砌之閒日就頽敝多矣以故傾圮者無復覩昔日之莊嚴而陳祀者因而動目前之感慨延至甲申則鼎革之順治初年也乙酉歲鄉耆高如蕩等慨然有修葺之思恐時丁多事或功墮於浩繁或力阻於勸助不無半途之慮未幾量日庀才鳩工集事半取給於舊植而緣輸湧至啓大門築臺基移樂樓於甕城門外與正殿對不一載而丹堊金剝靡不撤而



新之規模弘敞視疇昔什倍之矣母亦安神祇永百世者實式憑之無何戊子己丑之冬春閒鎮城造豐人心洶洶重門嚴扃聞其無人忽於雪夜中著有馬跡州人異之果而渾朔屠城應得無恙奇哉余獨以爲帝之何私於人也凡我州人覩茲靈異其當修省以迓帝眷者何如其當惕厲以答天庥者何如語曰天道無親常與善人旨哉言乎則帝之赫赫降靈者又在氣數亨屯之外也茲當落成勒石之日雖序其營修之功德而不能不傳其明威之靈佑也因並及之



應州儒學重修碑記

國朝大同 沈會霖 湖廣  
府推官 人

蓋嘗讀復旦之歌矣古聖王光演大業莫不闡弘道與  
詩書之氣蒸於日月故曰觀乎人文以化成天下禹貢  
紀物產不紀人材人材者由乎上之教也良有司亦既  
握一符分縣官井牧而講席寄嘆於鹿場神龜不集於  
萍沼將無刺彼城闕哉今 天子誕敷文命溥海內外  
胥奉文教先是已勅大宗伯祀修闕里下觀而化殆其  
身之矣昌黎曰社稷以功夫子以德則夫興學勸士誠  
司牧事也應固古金城地龍茹諸峯孤岫插天際而桑

應州續志

卷九

五

乾一帶水更環繞東注自榮國兌齋以後代不乏奇人  
焉即戊子之變嬰城向義獨異諸州所謂鄒魯絃誦非  
耶歲甲午予乘傳過應入其疆穀人足於晝絲人足於  
夜香澤足於賓蜡盼蠻暨伏墀拜廡下又復塗圯丹堊  
犁然具備嗟乎秦火之餘魯壁鞠茂草矣誰司是而輪  
奐至此諸士藉藉曰我張侯力也侯之蒞茲土也上質  
不飾恕克周物以康以穀登於黃老採風者至比之渤  
海云甫下車卽周視泮水趾趾瓦礫中泫然者久之爰  
出清俸百餘金庀材授廩嘉與更新始以十一年四月



凡五閱月報竣菁菁者樂芹藻而譽龍光一日敢忘君  
哉倚歟鼓篋遜業敦學備矣高山景行鳴琴在室宜君  
之夙夜而永終譽也乙未春余再渡桑乾集多士課制  
舉菽瞻宮牆之肅穆慶文章之在茲博士王君道久進  
曰請記之以誌不朽余惟大戴氏有言廣土居民然後  
興學而魯侯泮宮之什則曰克廣德心李漢之序昌黎  
文也亦曰文者載道之器君子豹變集於端質是則刺  
史興學勸士之意乎君遼海人諱文德字爲之由貢十  
先是爲伊陽尹治績卓異今陞是官焉是爲記



應州木塔記

國朝翰林院檢討朱彝尊人秀水

軒楹臺榭廣墀複宇游觀之勝苟作非其時侈過其制則春秋書之太史紀之故雖王公之尊不敢輕役其民至浮屠之宮竭天下之民力奔走恐後世莫有議其非者吾不知其故也彼其師以虛無爲宗寂滅爲教視支骸飛膚爲不足惜而崇奉其教者顧必范金以像之築宮室以棲之非大惑與然山川城郭必有升望略觀之地惟浮圖之制崇高累級出軒楹臺榭之表足以曠覽形勝所在登高明而遠眺望感時賦詩則又君子之所

應州續志

卷九

五

不廢也去應州治西北百步有釋迦佛塔建自遼清寧二年上下以木爲之其高三百六十尺州居絕塞之衝土風苦寒無良材珍木之產一木之運百車牛乃達蓋遼之君臣恃甲兵之武貢獻納於宋金繪所入動億萬計宜當日成此不難也遼史載道宗卽位初詔求直言亦嘗有志經國者迨乎晚節崇尚異教一歲飯僧至三十六萬人一日祝髮至三千人嗚呼侈心有漸皆是塔啓之也已土人指予簷端大字凡八係長康二陵駐蹕時所書其一時游豫猶可想像得之然則登是塔者不



獨盡覽山川城郭之勝而盛衰之故又可感也遂相與  
賦詩記之同游者三人山西按察司副使前戶部侍郎  
同里曹公溶江西布政司參政臨清周君之恆汾州推  
官大興孫君如銓而饒予文於壁者知州事蓋州傅君  
登榮也



重修城隍廟碑記

卷九

炳章

攷禮記天子大蜡八伊耆氏始爲蜡蜡祭八神水庸居  
七說者謂水爲隍庸爲城是未有郡縣時城隍之祭從  
古已然後世改設郡縣專祀於廟而八蜡之名仍存不  
去蓋重其禮也明初錫城隍神以封號在府曰公在州  
曰侯在縣曰伯於是被服袞冕設爲禍福生死報應之  
說愚夫愚婦刲牲熬幣禱祝彌虔然而水旱災沴求弭  
必應其有助牧令政教所不逮者非一端矣 國家崇  
重祀典春秋報享有司各以其職修舉勿怠雖荒陬僻

應州續志

卷九

七

壤廟貌未有不屹然巍煥者應州城隍廟在治西南隅  
與泮宮鄰創建之始志缺畧莫可稽明迄 國初屢經  
葺治康熙四十四年修後歷六十餘載牆垣椽桷歲久  
頽朽予奉 特簡調任茲邦朔望瞻視慨然於心志圖  
整理爰捐廉俸爲倡而師儒屬吏紳士軍民間風踴躍  
檀施麇集陶甃以片者數萬計鍛灰以石者數千計運  
土以車者數百計匠氏引斤圻人操鑊計口授食輻輳  
趨事易其朽敗增其缺漏若大殿若寢宮若左右神祠  
而門廡而階砌而牌樓樂室丹堊雕繪大踰舊觀復飾



車輿盛冠服堂皇儀衛蔚然有耀計始事至訖六閱月而成是歲也年穀順成民大和會是役也應時興事胥罔怨恫金城風俗之醇神靈赫濯之威均於是可覘其槩矣用勒貞珉以誌歲月其督工州尉李珍煦衿耆王敏學牛冲虞璠左成德張侯等與有勞績例得並書



重修白塘橋碑記

知州吳炳

按周官遂人以土地之圖經田野其中溝洫畛涂川澮之制莫不備具而獨無橋梁之文說者謂五溝五涂莫不有梁無待言而見爾雅謂隄爲梁是也後世井田之法墮而溝洫之制不修獨有水之處皆有橋梁以通行路其制不一有壘石成之者有浮舟聯之者有斬木架之者然壘石浮舟利於東南而艱於西北蓋西北之水奔迅湍激移徙靡常架木之制冰合而成而冰泮撤勢固應爾春秋傳謂九月除道十月成梁是也應州桑乾河

應州續志

卷九

九

源出馬邑洪濤山合金龍池諸水由馬邑南山陰北流經州西境涼亭村諸處迤邐至白塘村而大其地當宣雲歸綏之衝仕宦冠蓋農工商旅以暨京府文檄往還幾於輪蹄交錯值霪雨驟漲旣濁濤泮溯轉瞬縮流又砂礫漫行勢不受艇難以方舟舊於秋深水涸時架木填土爲橋春暮冰解拆撤令鄉人董其事頗利行旅戊子秋雨水連綿西岸經暴漲沖塌二十餘丈河面漸寬所存樁板搭蓋不敷往來阻隔將有病涉之虞爰捐廉俸購買木植增修而遠近衿耆亦願協力鳩工富者施



其財貧者効其力無待董勸而匝旬告成請予記其事  
予謂桑乾河由晉而燕歷十數州縣至盧溝橋滙衆流  
而歸於海其間橋梁建設不可勝數而第一橋起於白  
塘村此邦之人能審輕重緩急不惜財而濟及賓旅使  
往來者無臨淵裹足之嘆以視捐有用之金錢邀福於  
浮屠老子之室者相去蓋天淵矣而予忝司應牧枉梁  
旣成車徒之擊互亦得藉以告無罪云遂援筆而記始  
末於碑陰



知非錄序

國朝刑部  
尚書 魏象樞 蔚州人

知與行是一乎是二乎竊嘗疑焉自姚江倡爲致良知之說其於大學之致知格物猶未大失也惟當日及門之士頓悟者多謬謂朱子卽物窮理爲支離之學而以沿門持鉢鄙之俾一部大學幾墮禪窟中余每閱至此未嘗不廢書而嘆也應州左翼宸先生著知非錄一帙寄余商訂三百里之遙如同堂焉旣卒業知爲先生篤行之事欲然若不自足者筆之於書一以自勉一以勉人也余維大學所謂格物只在天理人欲處格之卽物窮理正孔門真派今觀此錄自立身行己以至待人接物之閒步步踏實務去人欲合天理而止知病卽藥知非卽是此卽先生老年好學實錄也四十九年云乎哉昔陳布衣云真能知之則行在其中矣余反一語曰真能行之則知在其中矣因附先生道誼之末不敢以過譽聞願與先生共勉之



鮑氏家譜序

國朝翰林院編修 吳珂鳴 武進人

鮑氏之來自黃帝時有相臣隕邱子孫若鮑煇鮑愷顯於虞夏迨至敬仲食采於齊子孫衍於山左漢鮑宣以後多聞人迄勝國而理學經濟顯於公卿閒者尤班班不勝指顧世傳新安鮑氏爲望族大江以南誇門第者咸以爲甲余家亦有新安派固與敦梓好世爲年誼云今雲中鼎盛則爲新安所不敢望溯其先有孟輝先生者官指揮使以武功世襲應州而門閥已大生經綸公宏治甲子登賢書爲靈壽令有召杜聲文武濟美傳至應州續志

卷九

三

士名公獨以隱德著再傳崇德公官驃騎繩祖武皆以埜菴公貴贈極品埜菴公當明神宗時襲世爵嫺朝畧仁勇邁倫特給將印守開原當宁倚重迨我太祖神武開基公隱名避跡於遼之首山

太祖徵召優禮恩賜特隆

太宗嗣位擢內院參贊密勿掌冢宰黜陟銓衡功施爛焉錄各處勦撫軍功授世職

世祖入關召問治道備陳新政

上欲命公經畧東南遽以疾卒時論惜之公始生丈夫子五



人而子孫繁衍內外居津要者纍纍若若僉誦公之德  
昌熾無疆也余始通籍備員史館卽因中堂甯老先生  
獲交於懷德公及其金昆禹思麟遇後又過中州得觀  
濟宇公細柳軍容慷慨投分與君家廿年世好無閒今  
迺以視學巡天雄而重光世翁適典郡守朝夕共事尤  
相友善因出其家乘謂余交於其叔姪兄弟至深非余  
不能譜其雲礽之畧也余爲披其系而愾慕焉蓋開國  
承家原無二理上天挺生命世之人以光前而裕後必  
功在社稷澤流生民世之食其德者厚而斯人之食報  
應州續志

卷九

三

於天者始奢觀堊菴公佐

命三朝耆定勲庸希踪尙父並軌方叔宜其燕山五桂駕於  
竇氏而文經武緯焯爍於時卽今濟宇公以元戎總方  
畧麟遇以臺諫名柱下而重光昆仲以良二千石顯於  
南北赫赫有聲行見治最報狀勲秩咸未可量則萬石  
家風又自重光而再衍厥緒也新安素稱望族藉雲中  
而益永哉觀斯乘也繼此書爵書氏史不勝書當以余  
言爲質



循吏田公傳

明吏部尚書孫丕揚富平人

余讀耀州志計明興以來知耀州可稱者先後僅五六公洪武時則魏公必興暨高公永登成化時則鄧公眞宏治時則任公奎魏係聖祖潛龍故人當天造初投戈闢草萊諸所創置悉備高積穀至萬石鄧修渠建學積穀益多任尙精核爲吏民畏服至正德末始有應州田公天澤云按志天澤應州人正德十二年任會武廟幸榆中自撫按太監三司皆馳往榆中天澤諸供應甚簡太監索重賄又堅不與時有宜備聖駕供需天澤度聖

應州續志

卷九

畜

駕必不來不厚爲備百姓無科擾一時甚賴之嗟乎此三石先生特筆也豈易得哉然揚以爲前四公者誠循吏大都居常無事政由己出似無難者若田則碩果之時諸闕用事乃名爲備之而實無所備有如聖駕猝至豈惟官罷卽身且不保矣爲百姓故不有其身故揚以爲田公難矣揚富平人也萬歷丙子以請告家居屬公之孫甲戌進士蕙者仕爲蒲城令蒲城與富接壤揚所居里又於蒲比鄰久之與蒲尹交善乃知公舉宏治壬子鄉試筮仕授定興令令才數月會流賊兵起郡縣無



夙備城多陷公令民急斬定興城城峻削壁立不可上  
又令民製甲時倉卒不能具鐵甲乃以己意取鞋底鱗  
次綴之使善射者數千百人衣鞋底甲守城上未幾賊  
大至然城已可守矣及攻城賊仰射城上人城上人以  
鞋底甲故卽中不傷且益得伺便射賊又以沸湯澆賊  
面賊多被創於是賊計城不可攻悉引去定興以全定  
興父老咸德公欲爲公立祠公固辭不許尋陞上林苑  
左監丞又二年陞爲耀州已而丁外艱服闋起補官乃  
疾作蕭寺中竟不起夫聖駕之備大約非數千金不止

也此其費非有官庫中錢也無已則惟取之菜色貧民  
而已聞他郡縣有能名者或借以爲名而因以漁之者  
矣公之屹然不動卒以無他視他郡縣豈眞賢不肖殊  
哉耀州人至今猶言公性質直廉介視民如子事不便  
於民者輒力白上官必得請乃已故爲州人圖利害者  
無如公去後州人思之舉入名宦祠歲時奉祀以報公  
功德先時公才望駸駸他郡縣上逆瑾聞之欲收使附  
已公喞然却之瑾敗抄其籍凡濡迹瑾門者皆敗公獨  
超然無染天下以此益賢公而公卒矣公有子曰維魯



其人入大學以子蕙貴累贈至通議大夫其孫卽前蒲州  
尹今銀臺納言君也納言君昔爲關中賢令第一其自  
語嘗曰吾之於蒲城安能如我祖之於耀州萬一故觀  
於納言君而定知其爲賢者之後且益可以見公也孫  
子曰余自留都來近見納言君於京邸則問其家世故  
知田氏之興也蓋自其曾大父云大父公名盛爲郡庠  
增廣生家有傭能賃酒舍客時有平陽糧長十數人者  
舍其傭其牀頭有糠困焉一糧長醉枕所囊三百金卧  
牀上以醉睡熟金漸墮困中弗覺也旦起十數人者行

亡金者亦行計惟同行者攜之矣及輸官始知金亡亡  
金者欲死十數人者慰之共貸金輸官於是亡金者得  
不死乃公則先從困中見金知糧長所亡也追之度其  
去已遠且封識待還未幾亡金者與同行十數人復歸  
舍其傭見其處太息言亡金事公笑曰若金何亡亡在  
吾困耳遂盡以囊金還之亡金者欲以半謝公公笑曰  
一半孰與三百多也因却不受亡金者乃設醮於神頌  
公德三日而後去已又以十銅佛來奉一時人大驚異  
越三年耀州公與弟天濟同舉於鄉弟天祿起家亦巨



兵士一人乃止民賴以安處人避難來金華者動以千計公憐其饑窘曰皆朝廷赤子也遂開倉賑之俱得全活蘭谿豪吏有徐世揚者奸狡害人莫敢誰何公得其惡狀卽以法除之浦江豪軍有王猛烈者鄉人苦其暴橫目之爲虎公擒繫於獄服罪而死七邑無籍之徒皆斂跡焉數年之閒訟簡公閑景泰辛未公聞祖母喪援例守制鎮守憲臣以軍餉爲急留之壬申遷爲福建右布政使未幾屬公朝覲福寧州雷碾送白金爲道里費曰此舊例也公卻之曰此何爲例自我絕之可也沙縣

多寇衆議築城公慨然董其工凡百所需區畫措置不勞而集班分役夫以均其力有以私情干者置之於法期年而成軍民便之有道士妖言者書黃紙惑人捕之不獲公卽移文各郡禁之遂弭時承兵燹之餘賦稅不完民有倚以爲奸者公察知其弊民皆懼而完之天順己卯進陞南京吏部左侍郎是歲冬十一月召至京師拜禮部尙書公益小心謹慎惟慮才不克位未嘗一日不警也嘗因疾上疏懇乞致仕上念公忠直老成不欲釋去已而前疾復作乞輟部事久之不進湯藥子欲禱



讓怒而止之日死生命也天順六年十二月二十四日  
終於正寢距生洪武三十年三月十六日享年六十有  
四配郭氏封孺人子男二長早歿次卽居敬爲應庠生  
女一人早歿孫男二人孫女二人公爲人剛正挺然不  
可撓持身廉介作事不苟義所當爲直前爲之不少回  
互處已接人一毫不假可謂侃侃之君子矣計聞上深  
憐之遣官諭祭復令有司營葬特贈資德大夫給誥命  
卅以年月日歸窆於州東羅家里從先兆爲之銘曰  
士之在世卓然者稀顧惟才德有高與卑嗟彼高者事  
業自彰譬之鴻鶴霄漢翱翔嗚呼石公早登甲第敷歷  
要津有隆無替相彼應土鍾秀於公曠世一出夫豈易  
逢公今已矣名則不朽堅珉有刻垂於永久



明誥贈通議大夫通政使司通政使前貢士敬齋

田公暨配俞淑人墓誌銘

明吏部  
侍郎

孫繼臯

無錫  
人

納言田君蕙葬其父累贈通議大夫敬齋公與其母累贈淑人俞氏越四十餘年矣萬曆己亥納言視地於其州東鄉之聖水原風氣翕聚卜食其吉乃謀以十月某日改葬而謁余誌銘其墓余與納言同年友也不可辭按納言自爲狀通議公諱維魯字參畊敬齋其號田在國朝洪武初有諱小虎者以勇力應大內軍至宣德閒諱伯用者自南京龍江左衛徙鴈門山後應州家焉故

應州續志

卷九

七

今爲山西應州人伯用幾傳曰慶甫慶甫生旺旺生增廣是爲公高祖增廣生贈上林左監丞盛盛有行義不昧客遺金三百鄉人豔傳之至今上林生今贈通議大夫前耀州守天澤天澤與其仲天濟同舉宏治壬子鄉試初令定興會流賊兵變能捍衛全城旣爲耀州值武廟幸榆中能力枝中貴人之橫索錢者州以無害耀州始娶王氏生三子公其季也少游學長安中說詩解人頤乃遂以詩推擇郡博士諸生公爲諸生累試無不冠其偶者至試於鄉十不得一久之以廩食久次貢禮部



未拜職而歸歸亡何卒矣夫士業稱明經進不得射策  
中科致身日月之間而用貢起斯以不遇矣又竟不沾  
一命而歿謂命非耶贈淑人俞氏者俞教授瓚女也有  
賢行克相厥家先公五年卒蓋公爲人孝友與人交和  
而謙遇門弟子有恩禮教諸子盤辟退謙畧似萬石君  
家風而宜人性顧謹嚴少頗讀女訓諸子有過誚讓之  
必令省改不改卽夏楚繼之矣門以內廩廩加肅以故  
公徘徊庠序閒得長者聲而其諸子閒出過閭巷人不  
問知爲田氏彼其庭訓闡範殆若相濟以有成云公生

應州續志

卷九

七

正德戊午四月初七日卒嘉靖辛亥三月二十二日壽  
五十有五淑人生正德癸亥九月二十五日卒嘉靖丙  
午九月二十五日壽四十有四子男三長蘭次芹郡庠  
生俱卒次卽蕙通政司通政使孫男五孫女一曾孫男  
七曾孫女四狀又言蕙兒時卽能小學大學諸書實吾  
母口授提抱中長而督之甚力而吾父歿也牽蕙手泣  
曰成吾志以無佚而大父光是在豎子勉之矣蕙早夜  
兢兢懼墜棄遺教爲吾父若母羞勉自磨淬以有今日  
夫翟公弗永乃興儒宗孟母斷機爰啓大賢豈不偉哉



秋風吹瑟瑟游子念故鄉  
駕言將旋返獨立何徬徨  
顧我同門友契結芝蘭芳  
昭質美如玉琢磨就珪璋  
相期以古道冰雪瑩肝腸  
所與共晨夕云逾二十霜  
安能捨此去涕淚滿衣裳

自昔我家昆棄官如敝屣  
患難相追隨實惟諸君子  
高道薄層雲深情注遠水  
及我息肩初更作蒹葭倚  
促膝快談文徵歌列羅綺  
問夜動未央絲絃日盈耳  
風景忽以殊遠道從茲始

斗酒從歡會猶是少年場  
一言及離別滿座慘不揚  
非應州續志  
卷九  
無絲與竹徒令聽者傷  
人生重神交道里詎云長  
顧彼雲中鴈亦自遠隨陽  
幸毋玉爾音慰我竚立望  
拔劍行出門驅車桑水側  
握手臨河梁相視餘涕泣  
昔爲鴛與鴦今忽儔侶失  
延頸自悲鳴何以奮羽翼  
願言各自愛無爲游子慟  
梁月照相思萬里猶見色

將赴平定留別張荷塘明府

知州

吳

炳

南豐人

曹參漢循良清淨語師蓋  
源流沿潁川繁苛盡淘汰  
繫余仕版初頗欲銘盤帶  
秦關既旦鴈門簿領困塵  
墟招徠魏膠東方畧匪上  
蔡廩祿猶虛糜聖恩寶霽  
霈君家



觀察公治績兩河最荷塘伯父鶴山觀察公銘勒志漢

賢冲襟滌驕秦私淑願附庸陋哉如邠鄗竭來相舉似

悚慄祇增慨觀察守河南時顏其堂曰志吳以漢循良

執鞭余何辭朽馭凜顛沛君才浩煙海官職詩名會白香

山詩官職詩揮霍百里閒五彩絢霞繪家法有餘師培

養深根蒂發軔始金城聲名寇耿外他日馳報章鴻飛

期上艾

用韻答吳韜園前輩

署知州張五典涇陽人

材官各爭能身名要俱泰經術飾吏事羣目一措大君

應州續志

卷九

七

仕自何年皓首猶束帶勞勞風塵中盛暑不車蓋重副

曾未修統綺厭萃蔡每飯菜一盂何計軒與膾清寂拙

謀身寧一民所賴撫字耐辛勞建議中事會沿革著成

書利病勝圖繪報政向闕廷考準廿七最代領屬後

人膏馥得沾丐匝月從之游弼中自彪外試玉必三火

淬金期百汰置車一南針迷途指矇昧留別誦新詩嶺

雲似靄靄君自此遠矣離心逐征旆

金鳳井

張五典荷塘

積石舊巢居地脈通河水卽都一聲飛煙雲亂足趾聊



同南郡遊應薄阿城止自從作羽儀波瀾誓不起  
七言古

透玲碑

張五典 荷塘

謂石非石玉非玉清光炯炯奪雙目穹碑華表晉王墓  
龜趺螭首出山麓生前大節仗忠義貽書帝號謝巴蜀  
錦囊三矢付佳兒功成告廟副遺屬鴈門刺血祭先王  
彷彿麗牲碑柱旁何年飄零坐兵燹來爭古佛白毫光  
臨安縣東石一片衣錦人來逼聳戰颯爽天生熊虎姿  
石頭都能識世彥誰教伶樂歌東平送死空餘石鏡明  
應州續志 卷九 七  
史邪龍歸可哀曲武擔覆土葬山精

前題

吳炯 南豐人

初步禪堂觀石碑摩挲片碣僧稱奇廣尺有咫崇稍殺  
膚理滑膩若琉璃夕陽倒影現物像諦視驚未爽毫釐  
人言晉王墓上石滄桑歷劫梵宮移我意沿襲或訛舛  
鴈門隧道森螭龜頗以臆解勒續乘後唐祖墓當無疑  
辟邪鬣鬣耀荒徼崛起追崇典禮宜倏忽運頽陵谷變  
樵斧培擊牧兒嬉好事目覩不忍棄塔壁嵌置留餘悲  
事或有之姑妄述茫昧搜求聽俗嗤嗚呼漢唐陵闕幾




道毀殘礪矣足關盛衰且伴浮屠作故實登眺河為平  
古詞

應州續志

卷九

七





五言律

次應州

明祝灝

孤城無險障百里見浮屠近夏花纔發方秋艸半枯官  
民惟給餉士秀多崇儻誰謂沙陀地前人亦建都

題應州塔

陳子儒州人

好似擎天柱創建自遼朝玲瓏侵碧漢突兀透星橋南  
望恆山細北觀海水潮層層叅聖像飛步上丹霄

七言律

寄鄉中故人

元前左司員外郎曹之謙州人

應州續志

卷九

七

十年夢繞故山薇世事悠悠與願違華表未成遼鶴語  
青冥空羨塞鴻歸雲橫北嶺迷鄉眼塵滿西風淚客衣  
為報吾州舊親識短書相慰莫令稀

上韓應州

天挺英雄入彀中堂堂自有古人風飛機力贊興龍業  
唾手能收汗馬功四海威名方共仰一時才武更誰同  
潁川不是留黃霸行拜中書作相公

過應州

元好問遺山

平野風埃接戍樓邊城三月似窮秋人家上屋纔容膝



驛路旃車不斷頭隨俗未甘嘗馬潼敵寒直欲御羊裘  
十年紫禁烟花繞此日雲山是應州

後唐明宗廟

徐世隆

徽陵當日拯殘唐五季之間號小康因獸害民秋罷獵  
為民求主夜焚香八年功德丹青在千古明靈祭祀長  
欲識此邦遺愛事廟槐人敬似甘棠

應州途中漫興

明兵部尚書 熊 獅

橋邊柳色映征袍盡日驅馳不憚勞原上來牟千頃綠  
馬頭山阜一峯高豺狼寂寂民安堵斧鉞閑閑我載橐

應州續志

卷九

全

堪嘆巢由空老大掀天事業屬吾曹

次應州和沈僉憲韻

斜陽匹馬不勝悲閃閃飛來鳥亦疲三晉激揚孤聖主  
百年踪跡半天涯風埃漠漠邊中景野哭悠悠是處饑  
愁絕夜深渾不寐呼童秉燭和前詩

題應州憲司壁二首

山西 沈 鍾  
提學

南山頭枕西山尾山勢崢嶸地勢雄荒徼迴居青塚北  
潭源近隔白雲東蹉跎行李三春老俯仰寰區萬古同  
墨汁淋漓詩滿壁不須也着碧紗籠



天萬柔露峯尖吏隱憐吾不可兼泉石舊盟寒已久  
風霜遠道苦相淹白雲騁望心如醉素筆留題性不廉  
今夜應州分省宿五更霜氣極清嚴

應州廟學釋奠

素王萬世道彌尊祀享春秋典禮敦篚篚滿庭陳祝幣  
鼓鐘在序薦饗殮六經刪述原無恙二氏荒唐敢並論  
精爽洋如神在上櫺星燈火耀重門

應州卽事

宿雨初晴物色鮮獨騎驄馬過窮邊萬家社酒喧村鼓

應州續志

卷九

七

千里春耕靖塞煙路遠尙防泥更濘溝平漸見水流涓  
西安道上亡猿者猶有行人說往年

應州署中喜晴

督學御史蕭重望

瀟瀟陰雨靜垂簾六合於吾何所嫌鶴倦不知天欲曙  
鳥來似識日初暹藥爐肯乞人閒火坐榻還留昨夜蟾  
晨茗放衙烹未熟旋呼松實理牙籤

應州

陳子儒

曾說金城千萬家屢因兵革散天涯昔年帥府爲州日  
近世新屯改縣衙五代山陵生檜栢七雄卽塚變桑麻



興亡欲話無窮盡且飲香醪度歲華

水渠

永平同知王偉如陝西人

山下蒙泉潤我疆支分派別擬天潢閭閻莫訝勤疏鑿  
鴻鹵旋看藝稻梁鄭國開渠秦亦利王尊卧岸漢稱良  
知君更駕前人意流澤應同此水長

桑乾道中

陳鴻

征程十里見桑乾二月誰憐尚苦寒沃野北來邊地近  
流澌東下早春殘風移竹箭穿貂帽雪作楊花點馬鞍  
旅况墟頭消不盡琵琶纖指莫教彈

應州續志

卷九

全

渡桑乾河

學正曾韜山海衛人

少小詩中識水名飄零今日渡河津一身道路八千里  
兩鬢風霜五十春空有赤心懸白日慙無清政惠黎民  
沙陀立馬徘徊久久欲濯纓已濕巾

題應州塔

玲瓏峻碧倚蒼穹海宇浮圖第一功百畝址基旋地軸  
六層鈴舌弄天風觀瞻獨出沙陀外登賞翻從殿腹中  
幾欲壯懷發豪興借爲文筆寫長空

登塔有感



好與登臨偏感謂當年民力竟如何

登塔次曹秋岳侍郎韻

訓導

張廷綽  
榆社人

由來木塔擅嘉名鬼斧神工鑿得成閣影沉沉連霧夕  
爐香裊裊入雲輕散將珠樹花千瓣幻出金身草一莖  
想像翠華題榜處登臨為作放歌行

隨季父登應州木塔命次曹侍郎秋岳先生上元

重遊韻

張我旂  
榆社人

追隨勝地暢同登健步何須策短籐不二門中通象緯  
大千世界托峻嶒人天住著原無礙衣鉢傳來自一燈

應州續志

卷九

七

好在陳思遊賞處留題清咏上觚棱



渡桑乾河

唐 雍陶

南客豈曾諳塞北年年惟見鴈飛回今朝忽渡桑乾水  
不似身來似夢來

渡桑乾河

賈島 范陽人

客舍并州已十霜歸心日夜憶咸陽無端更渡桑乾水  
却望并州是故鄉

過茹越嶺有感

元 曹之謙 兗齋

山川良是昔人非北望松楸淚滿衣三十餘年成底事

應州續志

卷九

文

全家南渡一身歸

三岡四鎮

元 好問 遺山

南北東西俱有名三岡四鎮護金城古來險阻邊陲地

到處皇威頃漏戩

題龍泉寺

透渠寒溜夜潺潺說有蛟龍在此聞可惜九天霖雨物

一泓何事件僧閒

應州次元遺山韻

明翰林 院學士 王達善

一相傳盡得名幾番烽火照邊城於今萬里平沙外



雞犬安眠夜不驚

桑乾河

三月清冰潔似銀黃河兩岸不知津可憐一片無情地  
水亦年年解渡人

安東衛調應州

翰林院編修 侯復州人

創建金城自漢秦至今千載始安屯旌麾壯後兵威振

永鎮沙場保塞民

題應州釋迦塔

山西僉事 夏景

木塔營成不計年參差飛檻倚雲邊山川凝望多清趣

應州續志

卷九

九

遙指京華路一下

應州道中

山西參政 楊濬

鴈門山色望中多雨歇桑乾漲綠波蹀躞歸塵不動

客程此日到沙陀

邊耀夕照

守備 熊綱 武州人

日落邊城夕照斜山川錦簇漾天涯太平氣象分明異

一帶邊村掛落霞

前題

通政 田惠 州人

塞上層巒漸夕陽漢唐爭戰為沙場霞光一片天邊錦



枕甲尤堪醉百觴

題八景

黃如金

桑乾河水名千古賸有幽奇烟若雨賈島何緣渡此愁  
應知信美非吾土

十丈蓮開洵奇絕登臨直與青天埒古今題咏幾人同  
誰知塗膏并鬢血

雲中春色舊來遲肯信龍灣獨擅奇便道東君公化育  
也應鄒律順時吹

鳳凰飛去已千年舊井餘輝尚煥然弔古不須頻感慨

應州續志

卷九

九

還將忠義踵前賢

白雲出岫本無心何事騷人費咏吟若作太行山上看  
天涯遊子幾沾襟

夕陽回照豈揮戈龍首煙霞秀色多莫道邊城好風景  
閨中少婦正顰蛾

秋風黃菊鬪芳菲塞草添深靛馬肥邊將皆承主恩澤  
夜來起舞憶征衣

皎皎冰輪映碧波繞枝飛鵲夜如何可憐枕甲沙場者  
吹徹關山涕若沱



登釋迦塔

御馬  
太監劉祥

孤標紫塞勢崢嶸西北長天賴此擎指顧山川憑斗立  
追陪杯酒踏雲行

皇風身沐吟懷爽白日心懸壯志宏共喜晴明無點翳  
東南遙望祝昇平

望應州塔

國朝刑部  
尚書魏象樞環溪

十里煙雲一望通浮圖如削插長空何年種得菩提子  
幻出金蓮大地中

應州小石寺古松

元釋緒溥

應州續志

卷九

九

霜皮老幹勢如龍傲盡叢林無限風本末渾然千古質  
不須秦政大夫封



詩餘

柳梢青 應州客感

國朝 朱彝尊 竹垞

金鳳城偏沙攢細草柳擘晴絲九十春來連宵鴈底幾  
日花前 禁他塞北風煙虛想像湖南叩舷夢裏頻歸  
愁邊易醉不似當年

念奴嬌 登塔

張廷紳

憑高眺遠問遼金結構何年撐木大地河山纔入望盃  
底不盈一掬獅子吼時象王迴顧花草紛紅綠蒼茫今  
古一時都上心目 爲想成祖當年北征初駐輦龍庭

應州續志

卷九

三

臣服繼統神孫遊幸處武廟仍傳遺蹟峻極神工奇觀  
天下宸翰親題屬乘風長嘯浩歌還洗塵俗 峻極神工  
文皇所題  
天下奇觀  
武宗所題

滿江紅 講李晉王克用祠

戮力沙陀鴉騎過巢氛擒滅只灑盡梁唐遺恨一腔心  
血諸鎮收京推少壯三垂置酒添嗚咽想令人爲進百  
年歌聲悲切 摩井鳳流傳說龍隻眼闔風懾但此生  
長誓守吾臣節囊矢前驅笳鼓競獻俘告廟旌旗捷羨  
養兒亞次復何人真英傑



應州續志卷之九終

應州續志

卷九

三



